

Na osnovu člana 50. Stav (1) alineja b) Zakona o visokom obrazovanju („Službene novine Tuzlanskog kantona“ broj: 7/16, 10/16, 5/17 i 15/17) , člana 18. stav (1) alineja a) Zakona o Univerzitetu u Tuzli („Službene novine Tuzlanskog kantona“ broj: 9/08, 8/10 i 7/11) i člana 50. stav (1) alineja m) Statuta Univerziteta u Tuzli, Upravni odbor Univerziteta u Tuzli, na prijedlog Rektorice, na sjednici održanoj dana 04.10.2018.godine, d o n o s i

**PRAVILNIK O POSTUPKU POZAJMLJIVANJA VLASTITIH PRIHODA ZA REALIZACIJU  
PROJEKATA FINANSIRANIH IZ SREDSTAVA INSTRUMENTA PRETPRISTUPNE POMOĆI - IPA U  
OKVIRU NAUČNOISTRAŽIVAČKOG RADA FAKULTETA/ADU**

**Član 1.**

Ovim Pravilnikom utvrđuje se postupak pozajmljivanja prihoda od naučnoistraživačkog rada za finansiranje određenih nabavki neophodnih za ostvarenje i realizaciju IPA projekata i način zatvaranja pozajmice nakon pravdanja tih sredstava koordinatoru.

**Član 2.**

(1) NIR fakulteta/ADU može pozajmiti bilo koji iznos prihoda od naučnoistraživačkog rada koji je uplaćen na potrošačko mjesto NIR-a tog fakulteta/ADU, a koji trenutno nije potreban za izvršavanje planiranih budžetskih obaveza.

(2) Pozajmljivanje neangažovanih prihoda od naučnoistraživačkog rada izvršavat će se isključivo u svrhu provođenja nabavki neophodnih za realizaciju/predfinansiranje IPA projekata.

**Član 3.**

(1) Voditelj projekta podnosi dekanu fakulteta/ADU pisani zahtjev za pozajmljivanje sredstava, koji sadrži detaljno obrazloženje o visini sredstava koja se pozajmljuju, preciznoj namjeni sredstava, te rok u kojem će sredstva biti vraćena.

(2) Odluku o pozajmljivanju prihoda od naučnoistraživačkog rada donosi dekan fakulteta/ADU.

(3) Pozajmljivanje se može izvršiti isključivo u visini uplaćenih a trenutno neangažovanih sredstava, uz obavezno postojanje planiranih sredstava u Budžetu TK na pozicijama koje će teretiti nabavka i u Planu nabavki Univerziteta.

**Član 4.**

Postupak nabavke roba, vršenja usluga i ustupanja radova korisnici pozajmljenih sredstava obavezni su vršiti u skladu sa članom 10. stav (1) alineja c) Zakona o javnim nabavkama („Službeni glasnik Bosne i Hercegovine“ broj: 39/14).

## **Član 5.**

(1) Prvi prilivi prihoda od IPA projekta za kojeg je odobrena pozajmica, koristit će se za povrat pozajmljenih sredstava.

(2) Uplata transfera za IPA projekat usmjerit će se na vrstu prihoda 722614 – prihodi od naučnoistraživačkog rada, kako bi se mogla zatvoriti pozajmica.

## **Član 6.**

Ovaj Pravilnik stupa na snagu danom donošenja.

**UNIVERZITET U TUZLI**  
**Broj: 04-5380-3/18**  
**Tuzla, 04.10.2018. godine**

**PREDSJEDNIK UPRAVNOG ODBORA**

**Amir Šabačkić, dipl.ing.**